

HUIDIGE STAND VAN SAKE BY WONDERBOOM ROLBALKLUB

OP 20 AUGUSTUS 2016. VERSLAG VAN PRESIDENT

+ LEDETAL: Die klub huisves op die oomblik ongeveer 135 lede. Is tans die derde grootste klub in BGN Provinsie. Die bestuur werk hard saam met sy lede om nuwe lede te werf.

+ FINANSIES: Die klub se finansies is tans kerngesond en die bestuur werk hard saam met lede om te poog om n reserwe fonds op te bou van ongeveer R300.000. Mag ons hierdie ideaal bereik teen die einde van die seisoen. Baie dankie aan n baie deeglike tesourier asook aan al ons lede wat altyd gewillig is om hulle hande diep in hul sakke te steek. Die finansies word aangevul deur die aanbring van advertensieborde. Hierdie borde bring n addisionele bedrag van ongeveer R20.000. in.

+ FASILITEITE Die klub beskik oor baie netjies en doeltreffende klubhuis, kombuis, kleedkamers en kroegsitkamer, iets om op trots te wees. Die klubhuis word uitverhuur aan Rock Ministries asook aan die VLU. Hiermee verdien die klub addisionele fondse. Daar is ook enkele trustees van woonkomplekse wat ook gebruik maak van ons klubhuis.

+ DIE PERKE: Die klub beskik oor twee perke. Vanwee die Stadsraad se onbetrokkenheid die afgelope drie jaar by die opgradering van die perke, was die perke nie altyd na wense nie. Die bestuur sal egter saam met die

perkemeester alles in hul vermoë doen om die perke altyd speelbaar te maak.

+ KOMPETISIES [KLUB EN BGN EA] Daar is verskeie van ons spelers wat gereeld op Provinsiale en Nasionale vlak deelneem en wat ook goed presteer. Wil spelers aanmoedig om vir dergelike kompetisies in te skryf. Die klub kompetisies word normaalweg baie goed ondersteun en is een van die fasette wat met groot sukses en baie professioneel aangebied en afgehandel word. Spelers moet hulle vereenselwig met die jaarbeplanning tov die klubkompetisies en slegs inskryf vir die kompetisies binne hul eie program. Spelers word versoek om asb by die kompetisiereëls in te val en die reëls streng na te kom.

+ LIGA -KOMPETISIES EN SPANNE: Vanweë die emigrasie van spelers na ander klubs moet die klub met die spelers beskikbaar die beste spanne saam stel vir die komende liga-kompetisies. Die klub het ook egter vele goeie spelers bygekry, waarmee ons die ligas gaan aandurf. Hierdie faset van die klub geniet intense aandag van die bestuur en daar sal gepoog word om die ligas weer op 'n hoe vlak en standaard te plaas. Spelers word versoek om hier asb met die keurders saam te werk. Sterkte aan die reeds aangewese oefen spanne.

+ DINSDAGKLUB: Die bestuur wil sy waardering uitspreek aan die lede wat gereeld hierdie sosiale dag op Dinsdae bywoon. Die fooie is nou slegs R10.00 en daarvoor kry u

tee en verversings. Baie van die spelers gebruik hierdie dag as n oefengeleentheid asook om die dag te geniet. Die bestuur sal bly wees as meer spelers op n Dinsdag sal aanmeld en die oggend saam met ons deurbring.

+ BESTUUR VAN DIE KLUB: Die klub het vanjaar weer n gemotiveerde bestuur met baie kundigheid en ervaring. Die klub spog met die beste gekwalifiseerde afrigters in BGN en is baie gretig om nuwe en bestaande spelers af te rig en te help met hul spel.

+ DIE GEES EN SAMEWERKING: Die bestuur is verheug oor die wonderlike gees en gesindheid van lede. Dit is die gees en goeie gesindheid wat die klub laat groei en in stand hou. Enige misverstande moet so gou as moontlik uit die weg geruim word. Die spel is groter as die spelers.

WAT IS ONS BELANGRIKE UITDAGINGS?

- + Om ons finansies op gesonde voet te hou**
- + Die goeie fasiliteite tot maksimum aan te wend**
- + Om nuwe en jonger lede te werf**
- + Om deurgaans die beeld van die klub te verbeter**
- + om probleme vinnig en doeltreffend op te los**
- + sosiale behoeftes te bevredig en lede gelukkig hou**
- + fasiliteite te verbeter en instand te hou**